

庶物類纂

介屬

自十至十二

容

太政官文庫			
和書門	特別	一二三六二	第一番
類	號	函	架
四	六	五	册

内閣文庫			
番號	和	32362	
冊數	465 ( 71 )		
函號	圖	54	1

五十七内

共五




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







庶物類纂介屬卷之十目次

龍蝦

大脚蝦

蠶蝦

泥蝦

梅蝦

苗蝦

蝦姑

庶物類纂

卷十

介屬目次

龍鰕

一名鯧爾雅一名鰕魚郭璞爾雅註一名丹蝦別國

記一名紅蝦北戶錄一名蝦魁閩書一名蝦杯同上

一名神鰕彙苑詳註

俗名異折葉皮山城州又名革埋骨落葉皮武藏

龍鰕

鯧爾雅大鰕爾雅

鰕大者出海中長二三丈鬚長數尺今青州呼鰕魚

為鯧晉郭璞爾雅註

郭云鰕大者出海中長二三丈鬚長數尺今青州呼

鰕魚為鯧音鄧鄙按海中大鰕如臂者有之少見有

許大者鰕今俗呼何蓋鯧之訛耳宋鄭夾滌爾雅註

丹鰕長十丈鬚長八尺有兩翅其鼻如鋸載紫桂之

林以鬚纏身急流以為栖息之處馬丹嘗折鰕鬚為

秋後弃杖而飛鬚化為丹亦在海傍漢郭憲別國洞冥記

紅蝦出潮州潘州南邑縣大者長二尺土人多理為

盃王子年拾遺云大蝦長一尺鬚可為簪洞冥記載

鬚杖兼名苑云廣州獻蝦頭盃簡文將盛酒無故自

躍乃不復用愚又按毛詩義具大者有一尺六七寸

今九真交趾以為盃盤實奇物也唐段公路北戶錄

南越志曰南海以蝦頭為杯鬚長數尺金銀縷晉康

州刺史常以杯獻簡文用以盛藥未及飲無故湧躍

於外時廬江太守曲安遠頗解術數即令筮之安遠

曰即二旬後庭將有吉慶者五色線

蝦多鬚善游而好躍釋魚以鯧為大蝦出海中長二

三丈鬚長數尺廣中有紅蝦杯古人有以其鬚為簪

杖者今閩中五色蝦長尺餘三才圖會

海味重於天下者稱西施舌江瑤柱泉漳間皆有之

而苦不稱美其它鱗介殊狀異態多不可名而最奇

者龍蝦置盤中猶蠕動長可一尺許其鬚面繚長半

其身目睛凸出上隱起二角負介昂藏體似小龍尾

後吐紅子色奪榴花真奇種也明吳郡王世懋閩部疏

蝦有長一二尺者名龍蝦肉實有味人家掏空其殼  
如船燈挂佛前明鶴李陳懋  
仁泉南雜志

龍蝦大者重二十餘斤鬚三尺餘可為杖蚶大者如

斗可為香爐蚌大者如箕此皆海濱人習見不足為

異也陳留謝肇  
淵五雜俎

南史有蝦頭杯蓋海中巨蝦其頭甲為杯也宋寶華  
酒譜

蝦其大者名蝦魁嶺表錄異曰前兩脚大如人指長

尺餘上有芒刺銛硬手不可觸腦殼微有錯身彎環

亦長尺餘熟之紅色一名蝦杯一名龍蝦宋志大者

有五色閩  
書

爾雅以鯧為太蝦出海中者長一二三丈游行則豎其

鬚高于水面故其字从高鬚長數尺可為簾也又閩

中有五色蝦梅蝦蘆蝦泥蝦苗蝦楊升菴先  
生文集

神蝦天聖元年漁人得之海中長三尺餘前一二鉗二

寸許未有紅鬚尺餘首如數升器文如虎豹太率五

彩皆具備吳仲華繪其象以聞詔改名神蝦晏元獻

公賦其事彙苑  
詳註

大脚蝦

一名艸蝦

俗名革折葉皮州山城又名鐵摩蛾烏葉皮






大脚蝦

蝦有兩種其大者俗呼大脚蝦身蹙頭大長鬚前兩足大而生長水澤中炒熟之其色鮮紅味豐邵武府志草蝦頭大身促前兩足大而長生池澤中八閩通志

蠶蝦

俗名施<sup>レ</sup>落<sup>ラ</sup>索<sup>サ</sup>葉<sup>エ</sup>皮<sup>ビ</sup>  
州<sup>州</sup>備<sup>備</sup>前<sup>前</sup>



蠶蝦

蝦大小不一一種白而軟名蠶蝦江陰縣志

泥蝦

介屬 泥蝦

泥蝦


蝦小者俗呼泥蝦生田塘池沼中炒熟之色白者殼軟色紅者殼硬亦可食邵武府志

泥蝦相傳稻荖所變者出田中八閩通志

泥蝦云稻花所發暴而藁之小者採之曰蝦米鉅者

對插之曰對蝦嘗以供御閩書

泥蝦相傳稻荖變成多在田泥中一名苗蝦三才圖會




梅蝦

一名時蝦  
三才圖會



介屬  
梅蝦



梅蝦

梅蝦梅雨時出洲渚間八閩通志

梅蝦云梅雨時出書

梅蝦梅雨時有之俗呼時蝦三才圖會

苗蝦

一名塗苗  
福州府志  
一名醬蝦  
同上

俗名挨鼻  
備前州



魚類  
物類  
卷十

苗蝦

塗苗海物異名記謂之醬蝦福州府志

苗蝦海物異名記謂之醬蝦細如針芒海濱人鹽以

為醬漳州府志

塗苗海物異名記謂之醬蝦細如針芒波徒頃鬚若

淖泥海濱人鹽以為醬八閩通志

蝦其絕小者名苗蝦海物異名記謂之醬蝦細如針

芒聚若淖泥可鹽而醬之閩書

苗蝦狀蜈蚣而擁楯曰蝦公趙德麟侯鯖錄


蟹物類纂 卷十 介屬 苗蝦 一一

蝦姑

一名青龍書 閩 一名管蝦圖 三才

俗名施也骨 奈 氣

魚類  
水類  
雜類  
卷十



蝦姑

蝦姑通志曰狀如蜈蚣而大能食蝦開元遺事謂之

蝦姑漳州府志

蝦其大者名蝦魁次者名蝦姑開元遺事載其名狀

如蜈蚣尾如僧帽泉人謂之青龍閩書

漢中有蝦姑狀如蜈蚣云管蝦三才圖會

魚類

卷十

介屬

蝦姑

二

庶物類纂  
卷之十一

庶物類纂介屬卷之十一目次

蝟蟬

蠟

沙蟹

招潮

擁劍

鱉

庶物類纂

卷之十一

介屬目次

蝟蟬

一名青蟬

松江府志

一名黃甲

同上

一名海蟬

閩部疏

一名蝟蟬

蟹譜

俗名施麻革尼

蝟蚌

蝟蚌大者長尺餘兩螯至強八月能與虎鬪虎不如

隨大潮退殼一退一長唐臨淄段成式酉陽雜俎

文登呂尤多識州水蟲魚守官台州臨海命工作蟹


圖凡十有二種一曰蝟蚌乃蚌之巨者兩螯大而

細毛如苔八足亦皆有微毛容齋四筆

蝟爾雅翼曰蝟八跪而二螯折而容俯故謂之跪倨

而容仰故謂之螯字以解者隨潮甲解也螯蟹兵也

所以自衛折其螯隨後更生故曰龍易骨蛇易皮麋



鹿易肉蟹易螯呂尤守台州作蟹圖凡十有二種一曰蝓蚌二曰撥棹三曰擁劍四曰彭蠡五曰竭朴六曰沙狗七曰望潮八曰倚望九曰石礪十曰橫江十一曰蘆虎十二曰彭蠡圖所謂蝓蚌即蝓也所謂橫江即蠟也各長可尺餘蝓殼圓而色青蠟殼尖而有紫點蝓螯光圓蠟螯有稜而長

閩書

蝓埠雅曰蝓蚌其螯最健大者能殺人

福州府志

蝓蚌生海邊泥穴中大者青蝓小者黃申螯足無毛兩小足薄而濶者曰撥棹子每歲七夕前價甚貴

松江

府志

陶方伯嘗言閩中海錯定虛得名耳余惟問何以曰蚌不四明蛤不揚州蟹不二吳余大以為然蚌大而

不種故不佳蛤乃車螯非蛤蜊也蟹之別種曰蚌蝓

吾地名黃申此名海蝓特多此種而蟹乃為異狀不中食此又一種非真蟹也獸與化數里河中有蟹形

味俱似吳中而土人不之重豈日厭海錯不能別味耶

明吳郡王世懋閩部疏

雜陽孟熙罪雪錄

蝓與石巨皆海錯之佳者

天下之大物有北海之蟹焉舉一螯能加于山上身  
故在水中郭氏玄中記

蠍

一名蠶寧波府志 一名母蟹同上 一名白蟹同上  
子蟹同上 一名橫江閩書 一名紫蟹事言要  
螭蟹同上 一名

俗名挨訛ハササ法索鼻丹後州



魚物類纂

蠍

蟹濶殼而多黃者名蠍生南海中其螯最銳斷物如

艾刈焉食之行風氣本州圖經

蠍螯銛利截物如剪故名福州府志

謹按正字通云蠍俗蟹字又云蠍俗蠍字本作蠍

蟹俗呼為蟹圓臍者壯尖者壯也經霜則有赤膏俗

呼母蟹亦曰赤蟹無膏曰白蟹有子者曰子蟹本州

以蟹性敗漆燒之致鼠寧波府志

謹按正字通云蟹音節蟹屬生于海者名蟹六書

蟹物類纂 卷十一 介屬 蠍 二

故作蟬亦作蠟

白蟹似蝟蚌而殼稍薄松江府志

蠟蟬譜亦曰橫江又曰白蠟蟬殼圓而色青蠟殼尖

而有紫點蟬螯光圓蠟螯有稜而長蟬四時常有蠟

二三月有之閩書

匡長而銳者謂之蟹音截○宋恠山傳胸蟹譜

秀州華亭縣出於三泖者最佳生於通波塘者特大

故鄉人呼為泖蟹又亭林湖近顧野玉宅鄉人亦號為顧亭林於天

聖未呼生白蟹即海中所生蟹是也但蟹不生於淡水今忽有因號白蟹瀕江之

人以價倍常靡有遺止一年而種絕同上

格物總論紫蟹一名子蟹一名白蟹殼似蝟蚌足亦

有發棹子但殼上有胭脂班點不比蝟蚌之純青色

耳螯直而長有稜如削隨潮退殼一退一長螯足無

毛一名蟬蟹四五月蟹下懷子如粟而細名曰蟹子

土人珍之明福唐陳懋學事言要玄集

沙蟹

一名沙狗

容齋四筆

一名沙裡狗

事言要玄集

俗名異坐イソ異坐イソ備前州又名埋眉メ革尼ニ丹後州又  
名異施イセ外落ウツ革尼ニ筑前州

魚物類纂  
卷十一

沙蟹

六日沙狗似彭蠡壤沙為穴見人則走屈折易道不

可得容齋四筆

沙鉤生海堧沙中釣取乃得故名沙鉤漬以甘釀殼軟而味腴為珍品爾雅翼云沙狗蘆虎皆蟹之屬故

又名沙狗松江府志

松江復有極小如指大者名沙狗以釀漬之殼軟可

食清桐山方密之通雅

格物總論沙蟹似螭而匾青色句曲生海塗中

魚物類纂  
卷十一

介屬 沙蟹 二

名沙狗、雲間謂之、沙裡狗、見人則走、穴屈曲不可得、冬則穴深泥中、土人以鈎取之、其味頗佳、可以薦酒、

明福唐陳懋學  
事言要女集

招潮

一名數丸

西陽雜俎

一名沙丸

同上

一名望潮

容齋四筆

招潮

七日望潮殼白色居則背坎外向潮欲來皆出坎舉螯如望不失常期容齋四筆

數丸形似蟛蜞竟取土各作丸丸數滿二百而潮至

一曰沙丸唐臨淄段成式酉陽雜俎

招潮一名望潮殼白色居則背穴外向潮欲來競取土作丸滿三而潮至明福唐陳懋學事言要玄集

唐  
物  
類  
集  
卷  
一


擁劍

一名竭步閩書  
一名桀步同上  
一名歇步同上  
一名執火同上  
合浦事言要玄集  
一名竭朴同上

唐  
物  
類  
集  
卷  
一

介屬 擁劍

原物類編卷之十一



擁劍

擁劍一螯極小以大者鬪小者食唐臨淄段成式酉陽雜俎

三日擁劍狀如蟬而色黃其一螯偏長二寸餘有光

容齋四筆

五日竭朴大於彭蠡殼黑斑有文章螯正赤常以大

螯障目小螯取食同上

謹按陳懋學引格物總論云古今書記多混而無別如呂允言蝟蟬有毛蔡謨言鬻蟬害命祭世擁劍一種也而又分之蝟蟬蟬蟻異類也而反合之

事物類編卷之十一

介屬 擁劍 二



他如含芒輸海止稻蟹為然隨潮退殼止紫蟬為然今混屬妄註實為格物者之病

何遜詩云躍魚如擁劍孟浩然詩云游魚擁劍來按

擁劍如彭蜺之類蟹屬一螯偏大故謂之擁劍非魚

也宋剡川姚寬西溪叢語

桀步一名擁劍又名執火一螯大小不侔以大者鬪

小者食福州府志

擁劍一作竭步一作桀步一作歇步作桀步者以其

橫行作竭與歇者謂其行數步則舉螯而拱閩書

格物總論擁劍蟹之小者一螯大而長赤班色一螯

短而白其形類蟳越生海塗上以大螯鬪以小螯取

食螯足無毛又名桀步又名合捕又名竭朴又名執

火以其大螯赤色也其穴曲直宛轉穴口泥園以障

水海人春之作醬謂之蟹醬蟹之下品此即周禮庖

人曰青州蟹胥是也明福唐陳懋學事言要玄集

魚物類纂  
卷十一

鯿

一名長尾先生  
水族加恩簿

俗名胡摩吉烏  
筑前州  
又名角勿禿革尼  
丹後州

魚物類纂  
卷十一

介屬 鯿

鯨

鯨魚其形如龜十二足子如麻子可為醬色黑足似蟹在腹雌負雄而行南方作炙噉之

晉劉欣期交州記

鯨雌常負雄而行漁者必得其雙南人列肆賣之雄者少肉舊說過海輒相負於背高尺餘如帆乘風遊行今鯨殼上有一物高七八寸如石珊瑚俗呼為鯨帆成式荊州嘗得一枚至今閩嶺重鯨子醬鯨十二足殼可為冠次於白角南人取其尾為小如意也

唐臨

淄段成式酉陽雜俎

魚物類 卷一

介屬 鯨

二

乘風而行名蠶帆其衆如簿筏名蠶簿唐鄭熊番馬雜記

郭景純傳山海經云蠶形如車文青黑色十二足長

五六尺似蟹雌常負雄而行漁者取之必雙得即吳

都賦所謂乘蠶者也呂延濟亦註云似蟹宋惟山傳

瀕海諸郡以蠶皮代杓歲省銅千餘斤以蠶房代灰

真石灰乃以配葦葉檳榔啖珍若食品明吳郡王世懋閩部疏

蠶之爲物介而中圻厥血蔚藍熟之純白尾銳而長

觸之能刺斷而置地其行郭索雌常負雄觸筍而逝

或得其雄雌亦就斃同上

蠶狀如便面骨眼眼在背上口在腹下其血碧雌常

負雄而行雄者多肉失雄則不能獨活漁者拾之必

得其雙在海中羣行輒相積於背高尺餘如帆乘風

而遊其藏伏沙上亦輒飛躍常遠行迹數步如兔擺

蹤今蠶青黑色十二足似蠲腹中有子如粟而大中

醢殼上有物如角常偃高七八寸每遇風至即舉扇

風而行俗呼蠶帆舊云視鴟創施觀蠶制帆是也皮

殼甚堅然性畏蚊蚊小螫之輒斃未知其故也又暴

之日中往往無恙隙光射之即死嶺表異錄云雄小

介屬 蠶 三

雌大置之水中雄者浮雌者沈宋陸佃埤雅

鯿形如覆釜大如車青褐色其血碧色口足皆在覆釜之下足有十二長五六寸尾勁而尖長二三尺有刺能觸傷人尾中有珠如粟色黃雄小雌大置之水中雄者浮雌者沈南人或帶其珠或磨飲之云利市殼堅硬腰間橫文一線軟可屈摺每一屈一行牝常負牡牝牡相隨牝者背有目牡者則無牝去則牡死故海上稱婦女健壯操家者號為鯿是物在海中羣行輒相積於背高尺餘如帆乘風游人呼為鯿帆其

衆如解筏名鯿解東夷取其殼為冠尾為小如意子如麻子温人取以為醬甚美王叅知暘谷曾以餉予館客沈士能甚嗜之余未嘗舉箸也客語予此物得陰氣甚益人陰余笑曰蔬食飲水者陰何嘗不足顧余生平於奇物未嘗入口非特此也明天池馮時可兩航雜錄

鯿篋鯿形如覆釜色如紺碧血如蔚藍尾如秃戟負如浮圖行如屈折眼窳于背足攢于腹珠綴于肋乘風曰帆聯遊曰筏伏雌曰媚奇形異狀莫詳其說解曰東海閑行覓釣槎先生浪道侶魚蝦急將一甲歸

圖畫始信魚翁舌不差索隱曰鯿介屬口足皆在覆斗之下每雌負雄雖風濤不解故漁必雙得之以竹編爲一甲鬻焉埤雅云鯿尾燒之可辟蚊然蚊螫之輒斃又暴之日中往往無恙隙光射之即死未知其故何也若形色狀態則備于此箋矣明四明屠木峻海味索隱

唐皮日休以鯿魚殼爲樽遊峰鬻角內玄外黃謂之訶陵樽此亦好奇之甚矣閩人鯿殼山積土人以爲杓入沸湯中甚便不聞其可爲樽也即虎螭龍蝦鸚鵡螺之屬亦不甚當於用耳明陳留謝肇澗五雜俎

鯿狀如惠文冠及熨斗之形廣尺餘其甲瑩滑青黑色鍬背骨眼眼在背上口在腹下頭如蠅螋十二足似蟹在腹兩旁長五六尺尾長一二尺有三稜如櫻莖背上有骨如角高七八寸如石珊瑚狀每過海相負示背乘風而遊俗呼鯿帆亦曰鯿簾其血碧色腹有子如黍粟米可爲醢醬尾有珠如粟其行也雌常負雄失其雌則雄即不動漁人取之必得其雙雄小雌大置之水中雄浮雌沈故閩人婚禮用之其藏伏沙上亦自飛躍皮殼甚堅可爲冠亦屈爲杓入香中

能發香氣尾可為小如意脂燒之可集鼠其性畏蚊  
螫之即死又畏隙光射之亦死而日中暴之往往無  
恙也南人以其肉作鮓醬小者名鬼蠶食之害人

目綱

本州

庶物類纂介屬卷之十二目次

- 稻蟹
- 石蟹
- 彭蠡
- 蟛蜞
- 蘆虎

魚物類集 卷一

稻蟹

一名樂蟹蟹譜 一名無腸公子正字通

俗名事革尼大和州

魚物類集 卷一

介屬 稻蟹



魚物類纂 卷二十一

稻蟹

蟹生伊洛池澤諸水中今淮海京東河北陂澤中多有之伊洛乃反難得也爪足二螯大者箱角兩出足節屈曲行則旁橫今人以爲食品之佳味獨螯獨目及兩目相向者皆有大毒不可食其黃能化漆爲水故塗漆瘡用之黃并肉熬末以內金瘡中筋斷亦可續黃并螯燒煙可以集鼠於庭爪入藥最多胡洽療孕婦僵仆胎轉上槍心困篤有蟹爪湯之類是也經云取無時俗傳蟹八月一日取稻苳兩枚長一二寸

魚物類纂 卷二十一

介屬

稻蟹

二

許東行輸送其長故今南方捕得蟹差早則有銜稻  
 芒者此後方可食之以前時長未成就其毒尤猛也  
 蟹之類甚多六足者名蛭音四足者名比皆有大毒  
 不可食誤食之急以豉汁可解本州圖經  
 蟹伊洛絕少今多自京師來京師亦自河北置之今  
 河北沿邊滄贏州等處所出甚多徐州亦有但不及  
 河北者小兒解臚以螯并白及爛搗塗臚上臚合此  
 物極動風體有風疾人不可食屢見其事河北人取  
 之當八九月蟹壯之時直於塘灤岸上伺其出水而

拾之又夜則以燈火照捕始得之時黃與白滿殼凡  
 收藏十數日不灰亦不食此物每至夏末秋初則如  
 蟬蛻解當日名蟹之意必取此義本州行義  
 蟹橫行甲蟲也外剛內柔於卦象離骨眼蝟腹雌腦  
 蟹定二螯八跪利鉗尖爪殼脆而堅有十二星點雄  
 者臍長雌者臍團腹中之黃應月盈虧其性多躁引  
 聲噴沫至死乃已生於流水者色黃而醒生於止水  
 者色紺而馨佛書言其散子後即自枯死霜前食物  
 故有毒霜後將蟄故味美所謂入海輸芒者亦謬談

也本艸綱目

蟹八月腹中有芒芒真稻芒也長寸許向東輸與海神未輸不可食唐臨淄段成式酉陽雜俎

平原郡貢糖蟹採於河間界每年生貢斲冰火照懸老犬肉蟹覺老犬肉即浮因取之一枚直百金以鹽蜜束於驛馬馳至於京同上

蟹腹下有毛殺人同上

蟹水蟲也其字從虫反亦曰魚屬故古文從魚作蟹以其外骨則曰介蟲取其橫行目為螭蟹焉骨眼

蝟腹蝟腦鬣足其爪類拳丁其鬣類執鉞匡跪又皆外刺性復多躁或編諸繩縷或投諸笞箠則引聲嘖沫必死方已類皆鱗畜生於濟鄆者其色紺紫出於江制者其色青白此舉其所畜多者爾凡有冰之地不無此味小者謂之

螯中者謂之蟹匡長而銳者謂之蟹音截甚大者謂之蝟蚌雖皆有佳味獨蟹參於藥論耳明越谿澗石穴中亦出小蟹其色赤而堅俗呼為石蟹與生伊洛者無異鬣圓多腴而奪之鬣臍長多瘠而與之蝦其於盛生夏者無遺穗以自充俗呼為蘆根蟹謂其食蘆

介屬 稻蟹 四

根瘠小而味腥至八月則蛻形已蛻而形浸大秋冬之交稻梁已足各腹甚走江俗呼為樂蟹最號肥美由江而納其甚於海中之魁遇冰雪則自伏於澗不可得矣今人設陷具以索酒者此特為之先置焉江淮間尚推重如此況非所育之地乎何曾食疏弘君食橄臯棕飲食亦未必不珍此味也臯棕南史有傳但名存而書亡此為恨者○宋惟山傳臯蟹譜

荀子勸學篇云蟹六跪而二螯非蛇蟺之穴無所寄託者用心躁也注跪足也螯蟹首上如鉞者序與蟹後兩小足不着地以其無用所略而不言○同上

今之採捕者於大江浦間承峻流環緯簾而障之其名曰斷音鍛於陂塘小溝港處則皆穴沮洳而居居人盤黑金作鈎狀置之竿首自揆之夜則燃火以照咸附明而至焉若更以餌而釣之○同上

蟹至秋冬之交即自江順流而歸諸海蘇之人擇其江浦峻流處編簾以障之若犬牙焉致水不疾歸而歲常苦其患者有由然也雖州符遣卒俾令棄毀而吏民萬端終不可禁羅江東云蛟蟹之為害也則絕流不顧漁人之鈎網噫水之病吳久矣又非蛟蟹之

比絕流顧網其才識固自有小大哉長民者能推而不疑亦豐歲一助也同上

吳人於港浦間用篙引小舟沉鐵脚網以取之謂之

盪浦於江側相對引兩舟中間施網搖小舟徐行謂

之搖江上接斷下接於陂塘

國家貢口實於遠方者蛤蜊亦貢焉獨蟹不貢議者

以為貢不貢固有差品予謂非也蛤蜊止生於海塗

邇京州郡無有也故須上供蚶蜊盛育於濟鄆商人

輦負軌跡相繼所聚之多不減於江淮奚煩遠貢哉

予嘗見監御厨王染院云御食經中亦有煮蟹法但

不常御錫命則進耳非謂無錄而不在貢品同上

蟹之腹有風蟲狀如水鱉子而小色白大發風毒食者

空去之  
○同上

陶隱居云蟹未被霜者甚有毒以其食水荈音建也人

或中之不即療則多死至八月腹內有稻苳食之無

毒同上

按周禮獻人職掌漁征入于王府者貴其鬚骨之用

以飾器物也今魚雖鯢鮪以至蝦蟹悉立征稅之目

非若古人取鬚骨之意也。二浙運使沈公立以歲征權奏罷之。議者謂其識體上同

孝宗嘗患痢，眾醫不效。德壽憂之，過官偶見小藥肆，遣中使詢之曰：「汝能治痢否？」對曰：「專科。」遂宣之。至請問得病之由，語以食湖蟹多，故致此疾。遂令診脈，曰：「此冷痢也。其法用新采藕節細研，以熱酒調服。如其法杵細酒調數服，即愈。」德壽大喜，就以杵藥金杵白賜之。至今呼為金杵白。嚴防禦家可謂不世之遇。宋趙

滑養病漫筆

江蟹大而肥實，第殼軟。漁人以爲厭，自云網中得蟹無魚可賣。十年前土人亦不甚食，近差珍貴。宋范致明岳陽

風土記

蒲陽壺公山有蟹泉，在嵌崿之側。一穴大可容臂，其源常竭，求涓滴不可得。州縣遇旱暵，即遣吏齋沐，置淨器於前，以茅接之。泉乃徐徐引出，滿器而止。有一蟹大如錢，色紅可愛。緣茅入器中，戲泳俄頃乃去。若遇蟹出，兩必震足，此亦應天寺鰻井之類也。宋彭乘黑容揮

格物總論稻蟹殼員而小上有凹文大者不過半斤  
螯上細毛如苔脚亦有毛俗呼螞蟹淮海最多吳下  
亦有之俗謂稻蟹之登也春夏穴於沮洳濺水中八  
九月稻熟必大出各持一穗以朝其魁然後任其所  
之晝夜沸奔自江轉海或謂持稻以輸海神漁者縋  
蕭承其流而障之名蟹斷明福唐陳懋學  
事言要女集  
舊註蟹一名無腸公子說見抱朴子不誤又云一名  
郭索按大玄銳初一蟹之郭索後蚶黃泉言蟹後蚶  
者用心不一雖郭索多足不如無足之蚶蓋譏其躁

也郭索蟹行聲非蟹名林逋詩水泥行郭索本此舊


註及本艸以郭索為蟹名並非正字  
通

螃蟹俗呼毛蟹兩螯多毛生湖泊淡水中怒目橫行

故曰螃蟹秋後方盛寧波  
府志

關中無螃蟹元豐中予在陝西聞秦州人家收得一  
乾蟹土人怖其形狀以為怪物每人家有病瘡者則  
借去挂門戶上往往遂差不但人不識鬼亦不識也

宋吳門沈存  
中夢溪筆談



庶物類集 卷十一

石蟹

一名溪蟹

寧波府志

俗名挨革立蛾備前州又名骨地奈外革尼同  
又名索索革尼大和州

庶物類集 卷十一

介屬 石蟹

一



魚物類集 卷十一

石蟹

明越谿澗石穴中亦出小蟹其色赤而堅俗呼為石

蟹宋惟山傳

溪蟹小而性寒搗碎愈漆瘡寧波府志

生溪澗石穴中小而殼堅赤者石蟹也野人食之本州

綱目

魚物類集 卷十一

介屬 石蟹 一一

彭蠡

- 一名蟬爾雅 一名彭蓋嶺表錄異記 一名彭越容齋四筆
- 一名長卿同上 一名蠶胡蟹譜

彭蠡

蛸蟬小者蛸爾雅

螺屬見埤蒼或曰卽鬻蛸也似蟹而小晉郭璞爾雅註

蛸卽鬻蛸也似蟹而小一名蟬其小者則名蛸案埤

蒼曰卽鬻蛸郭氏兩從之宋邢昺爾雅疏

蛸蟬小者蛸埤蒼云螺屬郭氏謂或云卽彭蠡也似

蟹而小然據上下文合是螺屬也蛸蟬音滑澤勞

宋鄭夾添爾雅註

謹按爾雅贏小者蛸蛸蟬小者蛸蜃小者蛸是上

下文皆釋螺類也然爾雅釋文多有不屬上下者非獨於此也

彭蠡音越吳人呼為彭蓋語訛也足上無毛堪食唐劉恂嶺

表錄異記

四曰彭蠡螿微毛足無毛以鹽藏而貨於市爾雅曰

彭蠡小者螿云小蟹也螿音澤螿音勞吳人呼為彭

越搜神記言此物嘗通人夢自稱長卿今臨海人多

以長卿呼之容齋四筆

彭蠡作螿又作蠃小蟹世傳漢醢彭越賜諸侯英

布不忍視之覆江中化此緣以為名或曰辣螺所化

膏可塗癬足無毛者堪食海上人以鹽藏之鬻於市

樂天詩鄉味珍彭越即此松江府志

曰蠃蠡者二月三月之盛出於海塗吳俗猶所嗜尚

歲或不至則指目禁煙謂非佳節也今之通泰其類

寔繁然有同蠃蠃差大而毛好耕穴田畝中謂之蠃

蠃毒不可食晉蔡道明誤食之幾死尤宜慎辨也又

多生於陂塘溝港穢雜之地往往因雨則瀕海之家

列陣而上填砌緣屋雖驅拂之不去也噫蟹雖微類

至於腹芷以朝其魁其得自然之禮歟嗜欲以足捨  
陂港而之江海其得自然之智歟雖外剛躁而內無  
他腸其得自然之正歟豈獨以其滋味饜世人之口  
腹哉故論其略而冠諸一篇之首

宋栢山傳  
肱蟹譜

唐韻螯蝟戶八反似蟹而小予謂即兀五忽反蛤今  
之螯蝟也一名螯蝟耳虫屬似蟹

同上

海中有小螺以其味辛謂之辣螺可食至二三月間  
多化為螯蝟今人有得螯跪半成而尚雷殼中者此  
其證也

近青龍鎮居民於江塗中得蟹螯跪俱脫其  
白若初彼為怪及熟烹去殼則將化為蟬矣

噫物之變化萬狀固不可究詰今觀蟬之首腹頗與  
蟹相類誠亦有是故慮驚俗又非予之所親見故附  
錄之

同上

格物總論彭蠡一名彭越舊傳漢醢彭越賜九江王  
布不知而食俄覺而哇出于江中化為蟹似螭蟻而  
小無毛穴直易取此即搜神記所謂長卿者是也今  
臨海人多以長卿呼之

明福唐陳懋學  
事言要玄集

螭

一名長卿  
中華古  
今註

蟘蟘

蟘蟘小蟹生海邊泥中食土一名長卿其一有螯偏

大者名擁劍一名執火其螯赤故謂之執火云晉崔豹中

華古今註

王吉夜夢一蟘蟘在都亭作人語曰我翌日當舍此

吉覺異之使人于都亭候之司馬長卿至吉曰此人

文章橫行一世天下因呼蟘蟘為長卿卓文君一生


不食蟘蟘唐劉燾樹萱錄

晉書蔡謨字明道初渡江見蟘蟘大喜曰蟹有八足

加以二螯今烹之既食吐下委頓方知非蟹後詣謝尚而說之尚曰卿讀爾雅不熟幾為勤學宋惟山傳胸蟹譜

蔡謨初渡江見彭蜺大喜曰蟹有八足加以二螯今烹之既食吐下委頓方知非蟹詣謝尚而說之尚曰卿讀爾雅不熟幾為勤學荀子勸學篇云蟹六跪而二螯注云跪足也引說文云蟹六足二螯首也今考神農本草蟹八足二螯其類甚多六足者名跪音四足者名比皆有大毒不可食爾雅云蝟蟬曰蝟

即彭蜺也似蟹而小蝟王充切謝尚云讀爾雅不熟必爾雅說蟹今本止有彭蜺一事而他更無恐爾雅說文也勤學當作勸學恐晉書本誤以勸為勤也建康實錄所引不誤今許叔重說文云蟹有二螯八足旁行楊倞引云六足亦誤又行一首字亦誤韓非子云蟹螯首如鉞即當有首字文字脫落疑誤學者可為嘆息宋剡川姚寬西溪叢語彭蜺似蟹而小似彭越而大鄉人取其螯號驚奇嘴世說蔡謨過江食之委頓吐下方知非蟹今鄉俗賤





之松江府志

十二曰彭蜺大於蠓小於常蠓呂君云此皆常所見者北人罕見故繪以為圖又海商言海中龜鼈島之東一島多蠓種名甚異有虎頭者有翅能飛者有能捕魚者有殼大兼尺者以非親見故不畫李履中得其一本為作記予家楚宦游一浙閩廣所識蠓屬多矣亦不悉與前說同而所謂黃甲白蠓蠓蠖諸種呂圖不載豈名謂或殊乎故紀其詳以示博雅者容齋四筆彭蜺生埭田傍介在鹹淡水間螯色鮮紅鉗作白色

閩書


格物總論 彭蜺赤色而小似蠓蠖而有毛或曰黑斑

有文章明福唐陳懋學事言要玄集

蘆虎

俗名谷那コ法ハ革カ尼ニ

原物類纂卷十一



蘆虎

蘆虎似彭蠡兩螯正赤不中食臨海水土記

十一日蘆虎似彭蠡正赤不可食容齋四筆

蘆虎似螯蝟兩螯正赤不可食三才圖會

芥勿頁纂

卷十一

介屬

蘆虎

二

庶物類集  
卷十一

Vertical text on the right edge of the right page, likely bleed-through from the reverse side. The text is arranged in several lines and is mostly illegible due to fading and the angle of the page.

